


南郭先生詩集上

113  
1024  
1





南郭先生詩集

三編

四卷三

113

1084

1-2



門 413  
1084  
1

南郭先生文集三編卷之三

大正十五年二月  
花房仙文部氏寄



平安

服元喬子遷著

東都

熊元朗華玉輯校

七言律

東叡山賞花

龍宮鳳闕對氤氳花滿東山望自分池迥且疑梁苑  
雪樹晴猶漢陵雲綺羅桃李春相麗妓樂登臨日見  
作園邑元緣充奉地烟華到处借榮芬

病中寄懷雲夢先生

咫尺城頭風雨多幾時高會邈山河上池仙閣懸金  
掌北闕神門想玉珂一月常難開口笑三春况值抱



疴過子桑十日懷人甚伏枕蕭條徒自歎

頃有壯遊約病不果作示諸子二首

抱病三春臥赤橋年芳流與壯心銷難期會尚遊山  
嶽空對羊何憶海嶠止酒多時唯藥物撫床無日不  
蕭條誰言老得滄洲趣坐使江湖興轉遙  
秦封風雨滿寰中一望遙思海岱東仙鼎金丹疲未  
効名山石室恨難窮壯年不再龍門子老大徒傷鶴  
髮翁病起猶來成藻翰飛揚使此心無空

四月八日登增上寺閣東雲洞上人二首

增上天宮百尺壇更攀層閣倚雲看龍華近捧垂珠  
樹厂塔爭懸承露盤雙闕江城連睥睨千帆總海入

欄干坐疑金翅臨波浪欲擊南溟不可難

祇苑清風四月林徘徊樹杪滌煩襟下方一盡無邊  
色天上還觀不住心日繞五陵山華影濤通萬里海  
潮音晚來且欲尋溪岫未至禪房結夏深

得田彥愛信因感前時數數會飲望嶽書來  
數年子和逝矣彥愛點矣慨然寄答

憶昔秋天時犯顏草裘何處獵田間坐朝一腋存孤  
白隱霧南山隔豹斑望嶽空風雨過街杯客散亭歲  
年閒即今故舊悲寥落幾日看君佩賜環

奉和松前公別莊作

青山勝事近如何官暇風流一醉歌都尉篇中辭總



妙步兵厨裏酒，  
多林花待襲長裾。  
落野鳥鳴迎岸，  
憤過我有薜蘿衣。  
未敢重遊肯許倚巖阿。

蘭臺醉歸明日奉贈參政滕公

城頭歸興帶輝光，  
白虎門南月似霜。  
三日難醒僕射酒，  
不干猶惹令公香。  
衛詩彩筆成圭璧，  
燕駁高臺有驪驪。  
且想衣冠時不怠，  
軒早已出朝堂。

約遊松前公青山別莊作此促之

由來誓阮禹衣冠，  
林下風流待罄歡。  
唯是青山携客至，  
何妨白眼避人看。  
一時空落雙松雨，  
此日遙思五月寒。  
安得仍容疎禮法，  
相忘散帶酒盃寬。

七夕集霞閣寄懷夢雲先生臥病

烏鵲城頭落日隈，  
人先牛女共銜盃。  
欲傾星漢千鍾酒，  
且望神門百尺臺。  
肺裡詩應高枕就，  
腹中書自臥床開。  
相逢此夕堪相惜，  
不見翩翩跨鶴來。

永代橋步月

空裏長橋載月過，  
滄溟開處渺金波。  
龍躡架氣飛來海，  
鵲影浮天欲渡河。  
轉岸潮驅秦石去，  
犯星流駐漢槎。  
多事人戶戶吹簫，  
夜白首回首此醉歌。

中秋前一夕霞閣飲得思字

高樓月色對城池，  
粉堞烏啼桂樹枝。  
漢苑書將落處，  
魏臺鸞鏡欲圓時。  
愧迎天上顏如玉，  
醉倒風前髮似絲。  
明夜縱逢杯酒滿，  
回頭今夕不勝思。



懷仙樓再成

新樓驚見化人宮天近清輝都御氣通黃纓不求句漏  
令丹砂久鍊葛仙翁再棲燕雀兼青鳥舊帶雲霞縹  
彩虹他日貪攀金掌露重來復已滿杯中

城門晴雪

龍騎仙車朝玉京青雲白雪轉鮮明金銀闕映蓬萊  
近日月衢懸閭闔晴已見凝華繁上苑且疑輕煖望  
春城相逢紫陌孤裘客休吟復行東郭生

友人宅守歲

君家今夕不蕭然除夜張燈白髮前常愛玉壺傾綠  
酒况添銀燭吐青煙低雲一過催春意高樹鷄鳴入

曉天三百六十能已醉如泥更共到明年

三日松前氏西莊

紅亭青眼白綸巾彩筆芳樽相照新詞苑且深金谷  
酒桃花聊遊武陵人古今懷抱逢三日丘壑風光惜  
一春自是山堪盡興何須更問水流陸濱

送田望之從戾駕還長門兼寄懸次公

東方半路旆旌齊千騎行騎碧玉蹄已逐使君從駕  
去定知書記倚鞍題嶽高停馬雲相送海穩懸帆雨  
不迷更報頌鱣楊伯起誰如夫子擅關西

答長門滕子華見寄

久蓄長門海府才瓌奇忽擘巨濤開文成珠貝傾龍



室彩吐煙雲壓瓊臺萬里情交憐不冷壯年心事見  
難灰比來學術輕齊魯那待中原講業回

為諷訪侯題清風樓

樓成邨第倚清風城闕秋高咫尺中飆尔上林明月  
樹何來天樂廣寒宮誰從夜坐思玄度人隔雲霄想  
庾公羞臥塵埃還按簡回頭虛賦楚臺雄

送君嶽遊函關二首

關門險路彩雲邊閭闔躋攀欲到天掌裡芙蓉敬子白  
雪鏡中湖海冷蒼巔洗頭玉女分盆浴挂幘珠花著  
樹鮮知尔山陞逢道士寫經兼更學神仙  
岩堯太嶽擁關東地關神都瑞靄通不比泰山臨魯

小從來函谷據秦中秋探石室巖雲白夜宿天門海  
日紅匹練動時看上國廣須速下自西風

滕公桂花樓成席上得山字

從容府第自公還更上新樓吏事閑為引三秋明月  
色且開雙闕彩雲間愛香荀令臨中座栽桂淮南擁  
小山八子群才詞賦滿誰憐招隱得躋攀

桂花樓賞月得秋字

城郭天高暮色收月中攀折桂花樓玉京影近寒宮  
闕銀漢星稀迥斗牛承露盤凝清酒冷停雲曲繞畫  
梁流此筵不厭時賞何必今宵減仲秋

懷仙樓雨中飲得寒字



金盤露滴玉闌干，雲裡仙人侵坐看樓閣。斜含城上  
雨芙蓉，近摘掌中寒。青尊桑落須耽飲，黃菊花開好  
授餐。下見東西車馬地，誰知避世此交歡。

觀華山圖

雲臺誰道欲攀難，筆削工成玉女壇。白帝座懸堂上  
近，巨靈蹤傍掌中看。人臨車谷蒼煙暗，秋入天門素  
練寒。仙侶乾坤堪一瞬，尋源何必問真丹。

海賦朝望

澤國長亭接近關，郊雲紫氣彩霞間。大荒日出東南  
坼，諸嶽暗來咫尺閑。不獨盪曾容二總，直應濡足到  
三山。况無萬里揚波色，時見江河朝海還。

酬田彥愛見寄懷

憔悴懸思舊楚臣，閑居海畔卜誰隣。釣渙日近扶桑  
樹，書札鴻遙碣石濱。愧我閑緘驚歲月，憐君託酒避  
風塵。比來欲問滄浪水，無恙狂歌寄此身。

簡義海上人問疾

風霜現病伏林間，想見蕭然轉鎖關。一室臥遊元是  
穩，六時行漏自應閑。繞牀木落空中色，停履秋殘溪  
上山。借問何人驚靜默，訪來猶叩法門還。

送人歸隱長安西山二首

故國長安避世歸，堪裁遊子芙蓉衣。比來東海疲彈  
鋏，何似西山去采薇。種林有年收稅畝，緝魚終日坐



漁磯但期別後傳消息精衛寧無銜木飛  
丘壑嵯峨迹通歸樓閣見有無中乘輿昔駐君王  
備齋殿春荒帝女宮大堰猿啼迎夜月嵐山木落送  
秋風為耽幽討身將隱好事何妨文且工

送雲洞上人暫輔雲頂老師赴巖月淨國寺  
緣山祖席自相携供帳東門路不迷捧寶羣龍收雨  
過馱經征馬向風嘶新壇座照依巖月舊社人隨分  
虎溪只是期君歸到日正看春艸已萋々

道遙館席上分得一東奉贈滕公子雲夢先生

朱門白日海雲東客至道遙別館通阿閣已棲孤鳳

彩南溟且伴大鵬雄信陵公子元虛左鄭圃真人好  
御風附翼迴翔良宴會老生羞殺鬢如蓬

歲杪飲餘子綽邈迤東伯通

主人情疑滿杯盤况遇故交來罄歡已見殊恩新築  
館亦知同好薦彈冠駁臺邸第黃金色鳳闕雲霄紫  
氣寒老去自驚酣醉裡白頭吟罷屬年闌

首春霞關集

不厭年々勝會頻城門相見復逢春諸君縱是青雲  
士我輩曾無白眼人池動風光侵坐暖樓高淑氣入  
杯新避喧遮莫聊違俗詩酒何如車馬塵

停雲館春讌奉陪倚蘭度衣字



邨臺城闕共春輝，停得青雲傍紫微。公子趨庭兼彩  
服，君侯臨館映緇衣。新花有待迎人發，啼鳥如呼勸  
酒飛。且喜風光隨日永，追陪歡極未催歸。

送大僧正察公還華頂山

萬里津梁上路長，春風行送雨花香。寶輪轉地傾羣  
衆，龍蓋昇天入帝鄉。淨嶽處尊華頂影，恒沙照遍白  
毫光。自今西向尋源客，無意東流歸海方。

桺桺生未數歲已合抱矣聊作謾興

柴門寂。草堂貧。楊柳陰。日月新一翬露濃隨散  
雨。千條絲亂。惜殘春。幾圍已作金城樹。數歲何堪白  
髮人。長大但憐藏拙處。應從叔夜避風塵。

奉訪成章公子於南

棲遲郊外度芳年，誰識中山公子賢。空谷白駒甘遠  
跡，青雲魏闕懶朝天。庭階且借栽蘭地，歲月堪培種  
玉田。幽興唯餘詩酒客，論心江海得相憐。

春臺兄六十初度門人共觴紫芝園社過時  
聞之寄以為壽

聞說稱觴夫子家，從遊非獨漢侯芭。門生恰好攜春  
酒，歌妓何妨開絳紗。不改南山三秀色，長看文苑四  
時花。後期只恨過良會，率意無由駕阮車。

高子式萱洲宅成二首

聊卜幽居試賦才，采芳洲渚興悠哉。纓塵舊濯滄浪



水籬菊新含濁酒杯，園霧江帆侵樹入。檻雲城堞對樓迴，不須襟背栽萱草。日載忘憂與客開，誰言車馬混風塵。此地牆東溝水濱，心遠江湖寧擇境。隱深朝市不違親，秋風試釣鱸魚大。曉樹移巢鳥雀新，已見貴遊多轍跡。莫將熏灼駭鄉隣。

新晴登樓

夢後高唐楚色開，雲歸雨斷此登臺。西山夕日天涯盡，北渚秋風木葉催。帝子煙波君不見，故人書札杳空來。無為更且悲搖落，蕭颯孤心久已灰。

參政滕公壽筵

滿堂佳氣坐氤氳，更進瓊觴酒自醺。詞賦珪璋誰得

似子孫麟鳳，此成羣。初筵已厭南山色，甲第愈高北闕雲。稍見上台連斗極，壽祥非獨映星文。

送雲察上人應奧白川請住森巖寺

白川城畔古祇林，關塞山河草木深。路似真人懸紫氣，境知長者布黃金。籠宮雨迓彌天色，蓮坐花開喻法心。聞說東方多世界，隨緣堪唱海潮音。

為竹文學士壽乃翁春菴先生八十

壽高南極應星辰，德劭西藩表搢紳。孝養白華稱克子，老成黃髮寵儒臣。臺官常謁侯家饌，門客俱來席上珍。總為盛筵縫掖滿，更知歡舞彩衣新。

送穆卿上日光山

從其君奉命祭告



明堂舊位古諸侯有事宗祧向野州與祭知君執弓  
矢從行兼自備貔貅丹湖影動龍鬚落鬢髮雲迎馬  
首浮仰到天門窺日觀紫煙高處望仙遊

送友人遊宦長崎

萬里樓船迥不迷到時波穩夕陽低九州節制新開  
府千古司存舊鎮西自有越裳來翡翠何勞遼海走  
鯨鯢幕中參佐推王掾書檄須君手筆題

春宴某侯三义莊

海近名園積水開三义春霄大江隈誰誇廣澤吞雲  
夢已比瑯琊起觀臺花撲玉缸臨岸點風坡綺席豐  
波來終年且送如何酒更待重陪袁紹杯

三日同遊少林院得東字有感

林東塵  
也兒

少林亭下曲流通觴詠相看修禪同鳥入詩腸吟永  
日花隨醉態舞輕風共憐此興春無恙誰料曾遊彼  
獨空猶怪蓋山慕人起泉声如咽澗巖東

送人遊松前

行看大貉繞三邊不隔韓城奄受年皮服從來歸禹  
貢胡亥今更戴堯天已無雨雪同車客且慎風波絕  
海船地產明珠何必問囊中自有遠遊篇

送江士瑤宦遊相州

郊關侯服海城居行矣馮生食有魚懷璧久疑甘短  
褐投珠初見照長裾主恩百尺樓臺上儒術三冬文



史餘玉笥名山六待尔壯遊多暇好藏書

送人卜隱宇治

佳氣城南宇水東帝鄉王迹鬱蔥々鳳臺舊映朝陽  
外兔苑猶餘春樹中山色迤迎探勝出川流欲傍卜  
居通橋間自汲鴻漸隱廣與茶經第一同

寄懷田大心

關下江南鄉國邊西歸菽水奉親年隱醫尚想君卿  
俠著論還潛節信賢舊社故人推獨步中原何客競  
周旋冥鴻海上遙相憶報寄秋風幾日傳

早秋苦熱攜酒海亭得風字二首

攜酒孤亭積水通尋涼忽豁市樓東疑將縮地長房

術轉作談天碣石宮秋入壯濤堪洗暑日移空檻迥  
生風鄒家本道神州小寰海如池落眼中

諸君淮海本豪雄樽酒相扶愛醉翁曠昔凌雲餘短  
髮誰今葉浪破長風氣暗天際歸舟小影碧潮頭落  
日空縱飲自應使人遠隱淪何必五湖中

秋日赤羽橋送別

匹馬嘶聲慘不驕河梁送別此相邀浮雲指蒼龍  
鬪流水難留赤羽橋萬里行從分手始孤遊情傍拂  
衣遙攀未還未催搖落為向秋風惜柳條

中秋獨酌

獨酌蕭條對玉壺誰憐靜夜滿江湖人閒老去冰心



冷天上秋來月色孤相照白頭看掛鏡還臨赤水愛  
沈珠不知此夕城中客回首雲霄一憶無

秋夜同諸子墨水舟歸

大江十里入秋晴擬伴漁歌下月明積水天低連漢  
影長風海迤送濤聲歸來一夜回舟興醉後中流擊  
楫情自是客星無不到人間莫怪問君平

烏石山人集

清往主客集閑居名下風流自不虛坐罷一毡須換  
酒家餘四壁好題書探珠赤水時相得懸綠青蘿秋  
未踈烏雀從來欣有託愛君三徑接吾廬

移居巷北

十載衡門赤水西移居仍自傍幽溪犬鷄不隔知窮  
巷燕雀相隨安舊棲欲避風塵難遠跡羞栽桃李易  
成蹊只憑春樹漸遮斷定似桃花源使客迷

送人還播州

尔去丘園向播州攝西遵渚路悠悠煙波行得滄洲  
趣今古蹤遙赤石遊不改天涯明月色無邊海上白  
雲秋歸家恰是多名勝須為風騷近更求

初夏越雲夢松霞關携諸子見過草堂

仗藜羞應席門斜乘輿雙停長者車四壁光輝聯白  
壁連城聲價照貧家村醪幸有杯中物野樹猶餘春  
後花幽討只容終永日休論負郭載歸賒



五日新晴飛雲館得青字

主人第三郎甫九歲穎敏驚坐

新樹風涼引後亭古河烟水落前汀簾開楚竹三湘  
冷樽入江蒲五月青館上飛雲高且散山西斜日朗  
還停請看夕霽諸賢驟天動應緣膝下星

霞閑避暑飲

名士相逢痛飲才尋涼取醉此登臺去天尺五城南  
宅避暑風流河朔杯歡酒情傾家釀熟披襟興隔巷  
塵閑主人更有冰盤饌分得宮恩玉井回

寄稷卿

浮雲世事醉中情知尔家貧懶作生為客無魚長缺  
嘆何人對酒短歌行百年一日唯耽飲五斗終朝幾

解醒猶有詩篇傳漫興不妨自後自成名

早秋夜集霞閣得寒字

日入樓臺徂暑殘霞開晚色倚欄干迎秋新月侵銀  
燭承露高天落玉盤座動星河從客犯夜深杯酒罄  
君歡明朝處西風遍渡莫吹蓬髮寒

七月六日集莊子謙新舍

築舍新涼入早秋黃金臺畔引同遊已疑漢影通烏  
鵲何怪星文聚斗牛月色風前琪樹合詩篇酒後彩  
毫流明朝試取諸賢作須與人間乞巧樓

尾藩鈴公不東數年偶觀其別園圖想像興  
趣賦此二首兼寓奉懷之情



憶昨平原羅布衣，別來年歲自依依。無端園趣披圖見，忽爾神遊入夢歸。巖上臨江孤館起，林標接海片帆飛。酒筵暑局山陰墅，佳境幽情不違。地跨城郊景勝多，興來賓客定如何。平陽相國稱清靜，暇日開園命醉歌。互發百花新艸木，長觀千里舊山河。低頭衰白空相憶，安得雲霄企一過。

余求菖蒲益神直夫見貽瓷器古色佳甚

水石青莖擢，且繁綠盤盛。得愛蘭蓀夜，浮沆漉三清。氣且濺寒泉，九節根不假。仙人承露掌，兼疑玉女洗。頭盆空齋晞髮，朝陽影坐見。氤氲堪可飡。

送稷卿暫之丹州

山國丹梯行欲躋，過京關塞入雲齊。且看白馬長安道，已去青牛函谷西。旅館歸心秋雁度，孤城秋夢夜猿啼。遠遊易使王孫滯，莫向春風賦草萋。

霞関公拜新番帥賦此奉贈

恩光朝降日，遙明清切雲霄天。將營龍虎新軍分，病衛公侯舊族領。干城由來大邑封，周甸更自崇班踰。漢卿推重果稱張，廷尉十年空已愧王生。

定月上人住小金東漸寺賦此奉送

三千社首自分明，更躡名藍主法盟。大寶林懸行果滿，小金鄉逐步蓮生。諸天白日臨壇上，初地青山卓錫聲。經歷東漸應不遠，只期還到梵王城。



送蓋公疏仕宦赴白河

知君仰首久長鳴初試燕臺千里行駿馬從來成價  
重黃金不是待賢輕東毛野出郊園曠朔天連唱  
石生此去客心爭日月秋風早到白河城

遊玉笥山六首

玉笥山東溪谷分仙年化石路成羣迷蹤漸寤黃初  
起壯志聊酬宗少文停笈雷轟巖下電拂衣煙亂嶺  
頭雲已驚投病多村落且喜尋源洗世氛  
傳言此地勝驪山靈液殊開大嶽間一自始分神女  
澤至今長駐里人顏注來不盡疑香漢洛罷何妨共  
玉環肌骨并除塵垢事便應輕舉踏雲還

人家鳥道極靠窳處。躋攀試步回九折溪流東澤  
水千尋樹杪大平臺海天龍氣蒸遙起嶽裏雲根雨  
忽來崑舍解衣堪避暑山中更有濁醪杯  
峭壁攢峰陟近隣摧林蹶石道愈新扞蘿自怪驅山  
鬼可叱誰知養谷神但恐始寧門下客復驚臨海郡  
中人謝家已是多狂態曲蓋相攜遺此身  
宮下堂洲草木鮮樓臺幾處擁溫泉丘中已遇鳴琴  
客溪上何來采葉仙隱霧斑斑窺約穴投珠明月墜  
龍淵翔遊總是人間外不怪名山有洞天  
西風昨夜復驚秋地限南門不可留非有真人揚紫  
氣何嫌我輩跨青牛雙生色夾峰雲送孤照天懸嶽



日收回首慙歎烟靄裏山靈亦似待重遊

畫鶴

帳中孤鶴舊仙曹素練分明入彩毫舞罷似馴陸上  
靜步來疑企海天高應思一舉凌千里那回長鳴啄  
九臯衛寵乘軒辭已久昂然憐汝潔霜毛

子曜公子翠竹亭同賦

公子南亭愛竹情鵲前新翠轉鮮明滴杯影映春樽  
滿拂席風連夏簟清斝指青雲時欲上枝露玉露日  
看生繁陰已並階庭樹且傍朝陽待鳳鳴

聞田大心筮仕移澱喜而賦寄

故國堪涸澱水舟共和親老宦諸侯儒臣寵待迎縫

掖劔客彈歌解蒯緱日近長安臨境照川分甸眼抱  
城流中原南北衣裳會且喜爭雄據上游

奉和雪翁先生懷仙樓雪後與子式飲見懷

之作

神門雪後近蓬萊仙閣雲中沈灑杯定有鍾龍銜玉  
燭兼知海鶴舞瑤臺揮毫共擬梁園賦和歌堪歌郢  
曲才誰料興來招隱句翻翻向草廬開

送義海上人住巖月淨國寺

都門祖席照東方共指盈珠衣裏光知自經筵推上  
首看揚法旆向壇場雲籠且送三山雨巖月新添五  
夜香更待諸天迴佛日高懸紫氣近朝陽



舟下鹿洲江濶不見渚涯

解纜長江下總州漫天刀祢向東流客槎星犯蒼龍  
宿仙閣雲浮白鹿洲地圻直觀滄海日水平疑泛太  
湖舟飄、為欲償心賞乘去風帆自不休

鹿洲觀海二首

環海遙觀不可窮大荒無地入鴻濛蓬萊且極仙遊  
外暘谷偏浮日出東秦帝石橋情謾切麻姑潮路信  
應空已知迴軫難為水儻問崑崙十二宮  
東極波濤一壯哉乾坤日夜大聲迴四維渤涌傾天  
湧百道奔騰拔地來堆白戰連龍骨碎積珠爭剖蚌  
胎開縱無變態堪相鬪似壓當年七發才

小金眺望

神州封略地圖雄遙望川原千里通沙苑牧開生馬  
野長楊獵至射熊宮二毛急雨過郊北一帶浮雲接  
海東樹杪殊分佳氣鬱西連城闕更蔥

送長門縣伯恒

大邦多士共才豪更喜通家見鳳毛遙覽紫霄千里  
下歸飛丹穴五雲高贈君唯有芙蓉雪壯爾何如渤  
海濤不厭此間棲者小重來翕覓蓬蒿羽

初夏遊伯玉宅得寒字

主人原似馬曹看蓬首杯樽對客驩薄宦不論龍虎  
衛懶朝何用駸驪冠露林空翠侵衣落夏簟清風勸



酒寒已愛王家堪嘯詠他時尋竹問平安

夏日閑居八首

赤羽橋西生事疎紫門懶性鎖閑居病來三伏唯高  
枕老去千秋更廢書漢地樓臺臨各處陶家草木愛  
吾廬寄言大馬諸公子卷隘難容長者車  
獨酌空階取醉頻寒毡冰簟未全貧廣文學士唯吾  
輩彭澤先生有故人歲月酒錢從客乞風涼葛綌愛  
時新自安久混泥塗濁不願輕場陌上塵  
短牆籬落混西東夏木成陰空翠通坐見山童供灑  
掃相憐野鳥遠樊籠不才昔學三冬史垂死今餘一  
畝宮獨為靜虛堪勝熱當風不必問雌雄

却掃衡門心事寬避喧聊作隱淪看小池白石迴流  
淨斜徑青松落影寒旋復游魚千里樂翱翔棲鳥一  
枝安回頭盛夏方炎熱轉畏人閒行路難

夏日清風臥草堂無端牽睡到羲皇思玄昔夢真淪  
上遺世還遊萃香鄉窻下寤來仍撫枕庭陰浴罷更  
移牀暑天不厭昏時促回首園林已夕陽

扶筇緩步出蒿萊一樹松陰百尺臺為雨前山蒸氣  
散斜陽片海晚潮開已乘張翰江東醉不做袁公何  
朝杯拊髀行歌因漫興聊思詞賦感涼才

憶昔相携年少新樓船六月大江濱舳舻水面渾無  
暑杯酒筵中更有春錦纜牙檣凌潛府清歌妙舞醉



佳人一時奪走今誰在慚愧生存白髮身  
尋涼赤水月明孤閣酒宵淡白玉壺慷慨忽盈盤上  
淚蕭條難抱掌中珠百年瓜葛皆衰落萬里鄉園還  
有無不作他時歸骨計理身那惜朽天隅

夏日寄憶鵝十寧

江東豪興近柯如盛夏衰年歎索居徒羨浮舟能結  
網誰憐伏枕懶看書秋風未問吳人贈暑月唯甘葛  
子魚把酒非無河朔思老夫艱步日躊躇

聞田大夫考愛復職喜而賦贈

十載秋風惜逐臣曾疑憔悴老江濱  
竭來滄海浮雲散歸到朱門白日新  
瑜瑾重明懷璧志韋弦併佩賜

環身共稱舊政邦司直潤飾羔裘表搢紳

題懷仙主人松月館

仙樓別館傍神橋儔侶來通不待招  
月出瑤臺迎佚女松高白鶴駐王喬  
金丹鼎任膏餘落玉露杯承夜  
色遙共映華陽巾上影長凌霜雪望雲霄

訪木公達客舍

五壇五色鳳皇樓印舍光輝借彩浮  
護社故人尋歲月梁上客更風流  
舊來話罷將青眼別後驚看白頭  
俱為長卿須授簡喜君還未倦東遊

奉謁

東叡大王



龍駕從來降帝鄉  
白毫回照滿東方  
日邊色送青雲  
近台嶽天臨滄海  
長鹿苑兼開修竹  
綠鴈池新捧瑞  
蓮香儼然坐現金  
銀閣不向西乾  
做梵王

南郭先生文集三編卷之三

南郭先生文集三編卷之四

平安 服元喬子遷著

東都 熊元朗華玉輯校

五言絕句

春眠

春眠無客至  
白日靜花蹊  
夢裡聽黃鳥  
醒來近樹啼

春雨

城外今朝雨  
濛濛滿萬家  
不知烟樹裡  
減却幾枝花

遙題鴛湖

水閣開山曉  
湖舟上嶺霞  
芙蓉浸初日  
更濯玉蓮花

關山月



家鄉千萬里，關月相隨來。自聽胡笳切，歸心盡作灰。

寒松 震岡 席上

寒松高標秀，城上接氤氳。衆木風霜日，凜然獨有君。

松子錦偶得，雪景掛幅是。倚蘭戾所圖，因作以助其賞。

雪華懸咫尺，平削數峯寒。不沒幽情色，猶餘立竚者。

答源京國大夫自作花瓶并詩見贈

花瓶勞馭使，還勝寄梅人。插得幾枝色，坐看無限春。

奉和荷澤公子夜雨作

蕭瑟寒林雨，愁人獨夜情。誰知臺上夕，別自入琴聲。

觀雪梅圖

羅浮明月色，閨苑美人姿。坐愛肌侵雪，看疑香滿枝。

聞箏曲

忽聽鳴箏響，猶憶東雜鳥音。拂絃人不見，簾外百花深。

松前氏西莊得樹字

脫幘坐山中，醉倚雙松樹。上有仙鶴巢，應緣近雪路。

題畫扇

扇上雙鴛鴦，猶餘畫裡香。秋風昨夜至，不敢獻君王。

後觀圖

獸王元自在，寧假號哮聲。阿堵威風起，毛群不敢鳴。

題画山水五首

積翠他山出，輕雲遠水空。扁舟張翰興，一望起秋風。



崖樹將溪石都含山水音清風猶未發似待我鳴琴  
江閣誰相望蒼茫海上秋唯看帆影入萬里有歸舟  
一徑有人住茅簷窺茂林羣山連屋後更見白雪深  
雁落靜秋江等閑無人賞山上客偏歸定知熟來往

秋晴

他日悲搖落新晴玉樹枝今宵為明月隨意秋風吹  
和大川尊者秋後見簡

錦字看相照霜林色可知且尋秋後興願及未衰時  
此君亭飲得人字

竹裏清風足閑亭不受塵此君宜縱飲寧厭脫巾人  
忍海上人見贈盆荷并詩云是三蓮答謝

盆荷開且涼由來自西域更想山池花轉凝無熱色

題美人圖

陽臺移步時似迺望還離惟慢流波起不知心向誰  
離亭落花

携手到野亭落花亂如雪飛入勸君杯似惜河梁別  
扇面雪芭蕉

空齋蕉葉雪玉屑重無聲偏著窻間色不須冰素清  
題盆

相將何處客林外馬蹄輕更遠貪秋色應尋野興行  
靈芝石是烏石山人五之一

崑山一片石神州生氣氤拾得陪翰墨時見五雲



范蠡浮湖圖二首

扁舟心不繫已作五湖人釣得知多少何須比渭濱

冬郊

冬郊霜後路一望兩三家烟樹總蕭索春風何處花

題画

峻嶺臨江海逍遙北固濱相有情自遠知是秦時人

墨牡丹

自有名<sup>花</sup>須粉與紅太真凝玉質浴罷倚春風

雪後即興

柴門一夜雪轉覺没人迹不似城中色朝來踏作泥

雪後簡友人

門外山陰雪情深儻復來略知家醞熟且欲待君開

城傍曲

公子揚鞭返城傍落日曛馬蹄試不盡千里駐郊雲

獨愁處

月明似訪我顧影<sup>淚</sup>先流夜々深圍裏甘心獨處愁

七言絕

為櫻卿壽太翁

仙吏壽筵開郊舍主人春酒傍庭圍朱門共擁三花樹彩筆兼翻五色衣

中秋蘭臺集得中字



蘭臺夜色自雄風，霄漢秋高落月中。似聽霓裳天上樂，人間近接廣寒宮。

又得家字奉和倚蘭侯席上作

處々秋風桂樹花，爭開樽酒萬人家。隨侯別有明珠色，添得天光映月華。

九日雨時莊子謙遊相中賦寄二首

何處茱萸客，裡寒勝情空。自舉盃難，人間風雨時。急不使江山任爾看。

彌天秋雨暗江關，想見雲根此日攀。縱是登高探石穴，不知何處玉函山。

十日集節却菊未開示諸君作

登高昨日醉何臺，此處殘樽十日盃。但為諸君能載酒，黃花欲待重來開。

十日席上得庚韻

倚檻秋雲仍自生，携來餘興故人情。未辭節後東籬色，先送霜前北戶聲。

宮中樂

玉階春暖擁羊車，日日逢迎習大家。共卷衣裳含笑見，宴前初發後庭花。

約集霞閣風雨不果會松前公使至附謝

閣外朝霞黯不流，忽為風雨隔高樓。誰知地上病仙子，空望城頭咫尺愁。



青眼青樽對友生一杯一片惜花情此中無限春風  
趣終日相求黃鳥聲

楊柳枝詞

千門過雨運章東楊柳枝映漢宮最是君王回輦  
路不知何處向春風

花亭新晴奉和倚蘭侯席上見贈

花亭對酒賞花還纔遇新晴心自閑又恐人間明日  
事無邊風雨暗春山

霞閣春望

關門曙色海門遙初日蓬萊萬里潮多少樓臺春自  
滿都成光彩上青霄

暮春送別

何時再會別離難君去飛花亦自閑兩地風光長不  
盡明年春色好誰看

答源京國數書責報見寄

紛紛世事百函書無日從容烹鯉魚罷倦病夫時不  
報令君却怪故交疎

題江鳴石壁

風濤石岸鬪鳴雷直撼樓臺萬丈迴被髮釣鼉滄海  
客三山到處蹴波開

子規啼

繫舟江上巫山分客夢迢迢入楚雲最是子規啼盡



處月中同看不堪聞

霞關集期懷仙先生不至席間偶題步虛詞

因作戲贈

閣上仙雲逐望生不聞天際步虛聲料知薊子能驅  
馬千里家々尺日行

流螢篇

珠簾白露玉階光添得秋螢夜正涼點々隨風流不  
定亦追高樹入昭陽

蘭臺醉歌贈佐記室

蘭臺自有習家池騎馬何須倒接羅醉後風流誰得  
似山公咲問并州兒

坐忘亭待月

秋色亭高入醉歌回頭天際白雲過不勝窈窕思明  
月吹送清風先已多

秋宮詞

繁華昨日逐春風太液秋寒玉樹中一自芙蓉謝池  
上君王不幸建章宮

送伊仲曜歸長府兼寄滕貞卿

赤關蒼海舊園廬好去西風秋未疎歸會故人勞問  
訊于今獨笑愛何書

長干行

長干昨夜起西風各自舟歸吳會東欲就鄰人笑相  
七



問月明開處水烟空

遊緣山北溪無礙菴

溪上寒烟綠嶽峯境深閑對數株松往來記得當年  
色鱗老于今盡作龍

宮鳥曲

秦城月出夜無窮棲宿烏啼桂樹中玉漏聲長難作  
夢君王安在合歡宮

春日陪飲倚蘭臺時聞逍遙公子來宴成章  
館作此奉贈羣公子

玉樹春風並萼吹成章館裡映金卮忽聞不厭梅花  
發又自江南添一枝

春日霞關集勸酒櫻御

歌罷馮驩意氣爽歸來長缺入彈冠有魚且勸花前  
酒休作孟嘗門下看

成章館春讌得山字席上上倚蘭戾

香樽坐映百花間玉樹階庭醉後顏內集團亦謝大  
傳春來不用上東山

又上成章公子

成章之館對春山詞苑如花不可攀為是蘓公工手  
筆重看小許縱人間

花下飲

花底從來憐酒馥尊前不復畏春寒帶雲和日停琪



樹送雪輕風落玉盤

春尽送客

殘花昨日已紛紛，無那扁舟復送君。此地明朝春不見，水流依舊大江分。

子規啼

春尽江南住客舟，子規啼處水空流。此間總為輕離別，夜々声声不解愁。

送烏玄仙歸國

赤鳥關邊萬里濤，歸帆渺渺客心勞。朝來試且回頭望，不隔東方海日高。

山友石自豐齋詩稿至訪予不在掃客携舍

俄而沒其友緩部子悲其事徵予為題遺卮

予亦為之愴然作兼代吊詞

豐城古劍此携來，擬向張華匣裏開。不意斗間風雨變，天南一夜化龍回。

秋暑時甚七月望集成章館此日也涼風適至滿座披襟同賦得家字

涼臺幽樹夕陽斜，無限西風催桂花。此日回頭窮巷遠，不知秋暑在誰家。

題源子敬詩卷併和見贈

明月東連海上城，蕭條白壁本堪爭。研成難掩陵陽石，期尔精光轉更生。



桂花樓奉觀道遙公子寄題之作

海南相望暮雲浮應憶蘭臺玉樹秋元自掌珠明月  
色投來雙照桂花樓

桂花樓望初月

西山晚樹望秋天初月纖々含影懸自是桂花樓上  
物更期三五入杯圓

小集得烏石山人遊玉函山見憶之作分韻  
秋字

玉函山上與誰遊此日西來鴻雁秋直置滿堂相憶  
客一時回首為君愁

送元齋師還廣陵臨別見示佳稿

西飛錫杖海雲高臨別詩篇見彩毫已怪波瀾多變  
能乘風知賦廣陵濤

暮秋暫遊郊閑留別諸君

郊關西望白雲長處處登山木葉黃來往自應搖落  
遍携歸秋色解行囊

遊東海寺少林院和大川尊者作

霜林珠閣映山雲秋後芙蓉落日分最是雨花臺上  
色更看天錦碎紛紛

寄贈湖南人二首

琵琶海上白雲愁應望美人南浦流一自湖山照彩  
筆至今依舊月明秋



知君近遠拂秋風處，扁舟一釣翁。淡海星搖依帝  
座，瑤臺水冷浸天宮。

戲題明皇貴妃圖

深宮輕鬢紫羅裙，睡後浴前春未分。自是君王貪昼  
寢，綠鬢終日不為雲。

烏棲曲

上苑烏棲桂樹枝，玉壺春滿漏未闌。時今宵召入新  
歌舞，帳裡君王睡不遲。

懷仙樓看人贈桃花

一枝妖艷映流霞，醉殺懷仙閣裡花。知是天台山上  
女，相思春色到君家。

春怨

陰之樹色繞深宮，一片花開一片空。渾是年芳行欲  
盡，不須偏自怨春風。

送海西江文伯

環海西分小九州，錦帆飛送木蘭舟。幾期玉帛朝同  
地，那更東來是遠游。

看花寄友

逢著芳菲未即還，溪流深處住春閑。桃花自似迎人  
咲，無奈剗郎不愛山。

春日登樓

韋曲高樓萬樹花，胡姬粧飾妬紅霞。醉來不問囊中



物領著春風附酒家

惜春得啼字

春風吹樹州簷低無復人尋桃李蹊有唯鳥聲不相厭  
明朝空更繞枝啼

江南行

江南流水野塘春，去春來歲月新門外復看花正  
落即今何處不愁人

再遊少林奉和大川尊者作

芙蓉掌上白雲端憶昨丹楓落日寒重到祇林花一  
色春來轉作雪山看

答仙臺源子敬夢余見寄懷二首

萬里銀臺海上濱誰知錦字入懷新夢魂只是遊仙  
境相憶空慙郭景純

一自仙翁去海濤夜來應望月明高衛家如玉休相  
照恐使青牛夢思勞

月夜西莊醉歸復得松前公見寄因答謝

西莊醉色夜光杯歸路清輝送我閑睡起更驚投白  
壁猶疑都自月宮回

西莊醉後散歸既而聞繆卿繫馬酒肆戲作

調之二首

西莊終日醉金壺何謂歸鞍繫酒壚應被胡姬笑委  
頓老生謾學霍家奴



二八當墟楊柳前醉來聊駐錦鞍韉對驕知是貪重  
飲羨見傍人多酒錢

遙聞伯曄壽太孺人寄贈戲之

春風聞宴醉仙霞阿母堂前方朔家自是杏林多子  
種休偷洞裏碧桃花

為吉蘭皋昆季壽乃父棲巖翁

九州南畔對南溟共指晴雲有壽星海上雙珠相映  
處遙知文彩滿家庭

仲夏樓上飲

高樓對酌醉如泥雨過醒來落日低不必勸杯須避  
暑江城五月已溽々

酬懷仙樓主人與諸子飲見寄懷

彩雲深處想三山閣上神仙醉後顏誰翻々珠樹色  
色隨風亦自墜人間

荅子式集飲神門見寄

聞君此日為相思集飲山陽總未知晚起蕭條舊叔  
夜悔緣疎懶誤佳期

荅稷卿集飲神門見寄

寂寞玄亭昼不開空知仙閣共銜杯勸君好尽流霞  
酒何以貧家曾携來

高樓避暑

避暑高樓落日分傍臨城自氤氳風歸翠色西上山



雨涼入青霄北闕雲

倚蘭戾席奉送勝山戾婦藩得花字

風流晋代謝公家出入爭開玉樹花更見分藩小戾  
氏奉揚遙發盃熊車

送人之參州

鳳來山色映中天城郭同看碧海船試問漢王提劍  
地樓臺盡在彩雲邊

送人還京

今朝暫勸客中杯相送西風鴻雁來好去長安行樂  
處它時不上望鄉臺

秋暗對酒寄友

風乾秋風報新晴落日園林木葉聲獨酌蕭條杯自  
淺誰知因見故人情

得大淳禪師見寄聞近佳信中龍泉

九月關山北地霜相思空復此相望書來雁塔連秋  
色珠照龍泉想夜光

九月四日懷仙樓看子式携菊有詩和之

紫桑早菊泛杯流先節登高閣上遊應為不須勞送  
酒折來籬下一枝秋

九日同登少林院上方得十二侵

綠酒黃花傍少林相携此日愛登臨虎蹊轉作龍山  
會忘却風雲醉後心



題遊仙圖

滿地金銀百尺臺，彩雲滄海繞蓬萊。且看多少羣仙子，長駐龍車遊不回。

羽林郎

金鞍白馬過垂楊，枉殺胡姬凝粉粧。借問霍家園後色，池臺七十二鴛鴦。

子規啼

子規啼血大江分，西望鄉關唯白雲。日夜扁舟添客淚，天涯盡處不堪聞。

海門送別得山字

扶桑朝指彩雲間，日出扁舟海澤還。君自神仙無滯

著好應因便門三山

春宮詞

二月花開上苑春，朝遙望屬車塵。君王最愛移遊幸，三十六宮何處新。

中川舟中

泛來聊繫木蘭船，轉岸南流入海天。楓葉蘆花相對出，秋風總在夕陽邊。

少年行

等閑纔宿杜娘家，醉裡春風三日過。欲上金鞍門外樹，攀來已謝滿枝花。

大磯賦眺望



馭路西連玉筍閑，雲羊引海雲還。只餘沙磧堆如雪，更見波濤崩似山。

早涼

雨後西山落日微，那知此夕早涼歸。白不待雲秋風起，已為愁人數處飛。

東毛松伯瑞遊學歸賦贈

日光山上彩雲飛，片相迎客裡衣。自是君家多錦繡，何須負笈遠遊歸。

送滕叔明歸仙臺

海上秋風八月寒，仙槎歸處向東看。客星一自樊桐背，漢莫謂重來此路難。

鷄山櫻花

景豐山十五分題

十里青雲白日新，鷄山花滿不勝春。且送色如雪，應催作賦人。

送海雲上人還西京二首

上以有畫癖

長安宮闕對山河，別是天遊飛錫還。君但持來堪贈我，青雲不似白雲多。

西都何處最徘徊，萃嶽甘泉探勝才。摘取名山無限好，携歸須與少文開。

神門集子式病不至戲寄

神門仙閣夕陽深，玉露金莖落上林。無奈長卿愛消渴，在家相和白頭吟。



秋後登少林院後山得十五刪

霜林秋後此相攀，猶見支公坐愛山。  
應許幽人貪一醉，丹楓留在白雲間。

歲杪訪子式萱洲居同用寒

萱洲繚繞使君灘，白日樓臺不解寒。  
獨愛幽居霜後色，長松樹下此相看。

歲暮蘭臺值雪奉和滕侯得五微

幾度蘭臺尽醉歸，年闌况復此依微。  
興深不是山陰路，西出城門雪滿衣。

前訪子式有作高田侯和其詩見寄再和奉謝

江東歸到臥塵埃，怪見雲霄咫尺開。  
分得雄風吹玉樹，飛為白雪下蘭臺。

春日行

夾岸高樓幾處春，酒家都占大江濱。  
飛花亂柳多佳氣，恨殺風前白髮人。

期携諸子看花少林院，前日大川尊者有詩見贈和荅奉謝

溪花春靜白雲閒，重許東林一醉還。  
羊道故人邀有酒，相携直自到廬山。

和滕叔明留別重送兼寄源子敬

此日春風離別杯，天涯送雁行。  
回更知冥寂遊，送仙



客待尔同登海上臺

獨眠吟

長門宮裏玉階秋夜々空懸明月愁強為傍人還作  
怪擁衾時復在牀頭

萃溪亭題小池得人字

亭下清風醉後巾小池六月冷無塵相忘咫尺江湖  
趣都似觀魚濠上人

同遊少林院子謙病不至有詩見贈和以却  
寄

少林山上出風塵共愛涼秋爽氣新無那白雲終日  
在不堪持贈抱痾人

七夕詞

萬戶長安乞巧樓晴河流入漢宮秋誰知天近還相  
隔別作階前夜色愁

客中九日

新亭此日對山河客裏無如搖落何濁酒黃花聊復  
醉秋風白髮不勝多

九日答謝江蘭陵詩并菊見貽

菊籬三徑就荒貧風雨樽前赤水濱此日陶家仍漉  
酒那知恰有貽花人

晚秋陪猗蘭侯飲此君亭

此君亭上整君歡楓落秋風勸酒寒滿坐莫非貪醉



客不須栽竹避人看

清光院得八齊

清光院裏舊苔蹊木落溪林自不迷咫尺十年隔塵  
後方憐此日渡前溪

送蒼溟尊者還西京壽光院

樓臺多少對長安歸坐東山碧眼寒縱使春來花滿  
嶺不妨猶作白雲看

画牡丹

國色名花濃艷新一枝偏媚漢宮春披圖即得君王  
寵画手由來不悞人

栽花樹

香雲白日倚春臺不隔東風入戶來聊復愛栽桃李  
樹也應一笑對花開

長門公族大夫舍和其息蘭陵君作奉呈主  
君

十年燕石隕江湖明月驚看照座隅元自梁車堪託  
乘携來共羨夜光珠

雨中春飲限韻

相遇山花冒雨開惜春携酒強登臺未知明日風塵  
色好更何人有勸杯

為龔伯頌壽太孺人

王母堂前奉玉卮翩翩青鳥繞花枝待看方朔金門



寵他日仙桃欲熟時

送長子祇婦長門云到家壽阿翁賦此送行

兼代祝詞

君家遙想對南。婦解行裝五色斑。更獻芙蓉千。山古  
雪不憂才子遠游還。

春江曲

江下舟船江上樓。儂家日日對春流。何如同楫輕無  
住。潮去潮來總自由。

送晏海上人西歸

夕陽凝紫照雲端。說法高臺珠滿盤。忽欲凌空飛錫  
去。江城百萬向西看。

子式見訪時庭花已殘分得花字

殘尊未及夕陽斜。蕭索閑庭一樹花。亦識恨君相問  
晚。誰憐春色在貧家。

送了義師還南紀

三山梵境接仙區。徐福祠前天月孤。婦到試開南海  
夜。何如衣裏出明珠。

宮詞

漢家明月六宮秋。多少紅顏滿玉樓。夜宴未終更漏  
促。君王且覓翠雲裘。

秋閨怨

黃龍塞上年々。戍丹鳳城南夜々。秋萬里誰知明月



夢淡閨總是入邊愁

秋風引

年。搖落客身孤忘却吳中興有無只被秋風吹惱  
殺空教婦思滿江湖

約少林觀楓雨不果簡大川尊者

少林楓樹隔香臺此日蕭條風雨來不意復遭天上  
妬人間何處罄歡回

同前簡霞閣公

遙望匡廬風雨寒不教吾輩勝情看空山此日無人  
賞零落東林楓樹丹

雪集慧眼院

寺後園陵玉樹林和歌來興倚山陰最看不染風塵  
色心地從來白雪淡

鳴鶴詞為田有道壽太翁

仙翅西從崑閬來珠花長映羽儀開在陰更有雙鳴  
鶴相和同棲紫府臺

奉送箕山公子還濃州封邑

信陵公子大梁城車騎如雲且送行徒向夷門帶柱  
過老耒何敢比侯生

客中聽雨

夢裏鄉萬里遙無端秋雨自蕭蕭誰知一夜寒園林  
響搖落歸心更尽銷



秋夜長

長信宮中對月明  
瑤階白露濕  
夜生不知玉漏君王  
夜金箭銀壺第幾聲

曝錦堂秋遊得陽字

千樹丹楓九月霜  
開筵爛熳入高堂  
坐疑步障裁天  
錦十里相連曝夕陽

夜々曲

深宮更靜合歡床  
簾外偏添五夜香  
月落花開看欲  
曉東風拂檻送春芳

酬箕山君秋夜登樓見寄懷之作

夜月天涯百尺樓  
賦成招隱桂花秋  
羨君在邑王孫

子何處山中不可遊

為宮子雲壽太翁

遊仙曲裏彩雲開  
春酒新釀長命杯  
采藥千年多不  
盡君家住在古蓬萊

為日向生昆李壽太孺人

酒熟春風入壽筵  
君家兄弟奉親年  
自今新種蟠桃  
樹長見高堂阿母前

為田大心壽太孺人

酒杯承奉喜紅顏  
阿母高堂彩服斑  
遙想即今稱壽  
處開廉近更有南山

送晁大夫歸小山

時令諸秀  
才留東學



淮南樹色自堪攀，故國叢叢倚小山。  
早晚待君門下，客相追更折桂枝還。

秋夜香山君奉和主人作

高館高秋夜轉清，主人詩酒見交情。  
誰知本自雲霄近，不惜開窗對月明。

奉和

東叡大王天台春望

祇苑春風玉樹開，紛紛飛入五雲隈。  
君王彩筆隨天樂，別自成花落吹臺。



早稲田大学図書館

011888012135